

DISPUTATIO THEOLOGICA
De
C R E A T I O N E

Quam

Deo Altissimo Ductore,

P R A E S I D E

Admodum Reverendo & Excellentissimo Viro,

DN. ÆSCHILLO PETRÆO,
S. S. Theol. Doct. & in Regia Acad. Aboënsi Profess.
& Ecclesiæ ibid. Past. Vigilantissimo; Præceptore,
Fautore ac Promotore æternum co-
lendo,

Publicè proponit

MAGNUS SAMUELIS ASP. O-Gothus
S. S. Theol. Studius.

Addiem 2. Aprilis horis antemeridianis consuetis in Au-
ditorio Majori, Anno 1647.

(O)S.

A B O Æ,

Excudebat Petrus Wald / Acad. Typogr. 1647.

EXPOSITATIO THEOLOGICA
DE CATHOLICO

Deo Vtilissimo Dicente
PRAEFACE
Dicitur ad hunc enim etiam quod dicitur de Catechismo Catholico.

DI ECO HILIO PETRERO

MANUSCRIBITUS DE CATHOLICO

ANNO 1570

1570

A B O E

CATHOLICO



Sit in nomine Domini

THEISIS I.

Sdepositis ac prætermissis, ad opera Dei quæ ad intra dicuntur, Spectantibus; De operibus Dei ad Extra, quæ ad creaturas spectant, agemus. In hisce primum sibi vendicat locum, articulu lucubratione & meditacione sane dignus, qui est de Creatione.

I. Deus cœli terræq; conditor Gen. i. Cum sit Opt. & Maximus, ac omne bonum communicativum sui: Ipse quoq; bonitatem, sapientiam ac potentiam suam, in omnium rerum creatione declarare & bonitatis suæ opes in rem tam affabré à se conditas, effundere benignissimè, omnesq; ratione & oratione præditos, ad tam præclari operis contemplationem dimittere voluit.

III. Ut hujus materiae clarior lux appareat, primum omnium, vocabulum Creationis, ab homonymia liberabimus. Etenim errorum genetrix, est æquivocatio semper. Varie in Scriptura S. creationis vox accipitur.

IV. 1. Creatio est rei è nihilo productio: Quo sensu dicitur Deus Gen. i. v. 1. In principio creasse cœlum & terram, id est rudem indigestamq; illam momen Gen. i. v. 2. Hanc vocis accipitii nem p. imari m-

*E*st propriissimam agnoscimus. 2. Significat non quidem ex nihilo; Sed ex indispositâ *E*sse inhabili materia aliquid producere, b. e. Formam ex nihilo creatam præexistenti materiæ inducere. Ita creasse dicitur Deus hominem Gen. i. v. 27. Quem è limo terræ formavit, Gen. 2. v. 7. Et Èvam quam è costâ Adami exstruxit, & bestias quas è terrâ, & pisces quos ex aquis produxit, Gen. i. v. 20. 3. Accipitur vox creationis pro opere præclaro, eximio *E*sse admirando. Ut Psal. 51. v. 12. Cor mundum crea in me Domine. Eph. 2. v. 20. Dei opus sumus, creati in Christo Jesu ad bona opera.

V. In hoc ergò fundatur articulus fidei nostræ quod mundus ex nihilo sit Creatus; scil. informi illa materia. Recetè August. ait: Etsi omnia formata de informi illâ materia, tamen hæc ipsa materia de omnino nihilo est facta.

VI. Antequam ad ipsius Definitionis explicacionem accedamus; Variam vocabulorum acceptiōnem Gignere, Creare, Facere & Formare, quo sensu quodvis seorsim intelligendum sit explicabimus. Quæ quidem vocum enodatio multum lucis in articulo Creationis explicando afferet.

VII. Varijs cavillationibus eluduntur propriæ horum vocabulorum significaciones: 1. Lombar-
dus, ait: Creare esse vocabulum angustius, quod
pro-

propriè significet de nihilo aliquid facere: Face-
re verò esse vocabulum generalius, & non signifi-
care tautū de nihilo aliquid producere, verum ex
præexistente materia. 2. *Alij obijciunt verbi Crea-*
re non esse hanc vim, ut ex nihilo omnia producta
credendum sit; *Nam, Psal. 51. v. 12.* *Orat Psal.*
tes David ut Deus cor mundum in ipso creet. 3. *In-*
stant & dicunt; articulum productionis rerum,
non tantum verbo creandi, verum etiam facien-
di describi: ut patet ex *Psal. 123. v. 8.* *Qui fecit cœ-*
lum & terram. *Jon. 1. v. 9.* *Qui fecit mare & aridā.*

VIII. *Ad objectiones hasce respondeo & dico:*
Vocabula sàpè à propria significatione transferri ad
Metaphoricam. *Nos verò genuinam & propriam*
significationem verbi Creare, quod ex nihilo solius
verbij iussione & imperio, producere significat, hic lo-
ci retinemus. *Et quæstio est non quid *Psal. 51. v. 12.**
Et alijs in locis verbum Creare significet: Sed quæ sit
propria ejus significatio in illis testimonijis, quæ de scri-
bunt articulum creationis.

IX. *Quod Deus ex nihilo jussit existere cœlum &*
terram, per id rudis materiae futuri operis produc̄tio in-
nuitur quæ vocatur Creatio: Non creavit illam ma-
teriam ut maneret rudis moles: Sed ut ex illa per
verbum produceret creaturarum genera, & pul-

cherrimo ordine disponeret, & hoc vocatur face-
re, pulchrè & eleganter assertit *B. Lutherus.*

X. *Vocabulum Gignere*, ut de filio intelligitur,
significat de substantiâ sua aliquid producere simile se-
cundum essentiam. Creare autem significat ex ni-
bilo aliquid producere diversum à substantia creantis.
Fagius hanc differentiam horum vocabulorum facit:
Quod creare sit à non esse ad esse producere. For-
mare, enti creato formam inducere. Facere ve-
rò absolvere & ad certum usum aptare.

XI. *In ipso discursu*, Deo Duce, uberior horum
terminorum (si res ità postulare videatur) explicatio
dabitur. Verum ne diu in hisce immoremur, mox
transitum ad ipsam Definitionem exponendam facia-
mus. Definitur communiter Creatio hunc in modum.

XII. Creatio est actio unius & solius Dei pro-
pria, ac trium personarum Divinitatis indivisa, quâ
Pater unâ cum filio coeterno, & Spiritu S. omnes res
bonas, sive visibles sive invisibles intra sex dierum
spatium, ad omnipotentiam sapientiâ, justitiam ac boni-
tatem suam declarandam, liberrime ex nihilo condidit.

XIII. Definitum est Creatio, quæ quid sit, in
superioribus satis superq. monstravimus.

XIV. Definitionis genus, est Actio; Ubi notan-
di. 1. Simpliciter non dicendum est esse actionem, qualem
Philo, op̄hi nonnulli eam singunt. Nec 2. Dubitative id
statuer-

statuendum est sicut Cic. in Parad. ait: Cum tibi sive Deus, sive natura dederit mentem, &c. Sed in Ecclesia addendū est discrimen personarum, id est, Quod Pater unā cum Filio coetero & Spiritu S. condiderit omnia ut Gen. i. v. 20. extat: Faciamus hominem ad imaginem & similitudinem nostram. Ubi opus commune & indivisum totius Trinitatis, Dei Patris, Filii & Spiritus Sancti indigitatur.

XV. Differentia Specifica desumitur 1. A Causa efficiente, 2. Materiā. 3. Formā & modo & 4. Fine.

XVI. I. Causa Efficiens Creationis est, Deus Pater, Deus Filius & Deus Spiritus Sanctus, quod infinita Scriptura & testimonia evincunt. Gen. i. v. 1. In Principio Creavit Deus cælum & terram, Psal. 124. v. 8. Adjutorium nostrum in nomine Domini, qui fecit cælum & terram. Et plurima alia dicta hoc ipsum comprobantia, si brevitatis ratio permetteret ad ferri possent.

XVII. Sigillatim etiam Scriptura S. opus Creationis, nunc Deo Patri. I. Cor. 8. v. 6. Nunc Filio Job. I. v. 1. & Heb. I. v. 10. Nunc Spiritui S. Job. 33. v. 4. & Psal. 33. v. 6. attribuit. Non hinc tamen uni aliqui Personis Trinitatis illigunt soli, Creationis opus est adscribendum; Sed sciendum est illud ex aequo omnibus S. Sanctæ Trinitatis personis esse commune, indivisi-

sum & proprium. Gen. i. v. i. Psal. 33. v. 6. Ulti prius est declaratum.

XVIII. Non est ut multum nos torqueamus de discrimine personarum in opere creationis: Sed contenti simus illa revelatione, quod ab aeterno Patre per Filium, fovente Spiritu S. creata sint omnia. Ita Nazianz. colligit, ex Rom. ii. v. 36. Unus est Pater ex quo omnia, & filius per quem omnia & Spiritus Sanctus in quo omnia. Hæc non ad inæqualitatem, personarum trahenda, ut Ariani blasphemabant: Filium fuisse instrumentum Patris in Creatione, eoq; patrem non secus ac faber securi utitur, usum fuisse, quæ omnia in Deum meram blasphemiam redolent. Hæc enim præpositiones, Ex, Per, In. (Prout egregiè hoc ipsum Nazianzenus complectitur) non naturam dividunt, sed unius naturæ proprietates exprimunt.

XIX. In Definitione additur particula Unius, scil. quod Creatio sit actio unius Dei; Quod propter eos dicitur qui plura principia posuerunt. In quorum numero fuerunt Stoici, qui duo principia creationis, ut potè mentem id est, Deum & materiam, indigestam illam molem, posuerunt.

XX. Et etiam Creatio actio Solius Dei, quæ nulli creature tribui debet vel potest; Manichæi unum bonum & unum malum Deum in opere Creetionis

nis finxerunt. Xenophon & alij Philosophi, Deo ad-
junxerunt in hoc opere naturæ & cooperationem. Quæ
opiniones aperte Sacris literis contradicunt: Ut ex
Malach.cap.2.v.20. Nunquid non unus Deus crea-
vit nos. 1.Cor.8.v.6. Nobis unus Deus Pater ex
quo omnia. 2.Reg.19,v.15. Tu es solus Deus. Item
ex Esa,45,v.6,& 7, Ego Dominus & non aliud,
formans lucem creans tenebras &c, Videre licet.
Quæ testimonia, verè uni & soli Deo Creationis
opus adscribunt.

XXI. Sed qui fit, quod in Symb,Apost,opus Crea-
tionis soli Patri tribuatur? Hoc fit propter originem,
quia Pater, Filij & Spiritus S.origo & fons est. Mi-
nimè tamen reliquæ personæ excluduntur.

XXII. Quæ causa impulit Deum ad creandum
res? Non fuit Dei indigentia. Nam non indiget
ulla re. Act.17,v.25. Sed immensa Dei bonitas, o-
mnia enim propter seipsum operatus est Dominus.
Prov.16.v.4. Quam bonitatum David. Psal.8.&
104. Item 136. luculentè celebrat.

XXIII. Quid verò Materia? 1. Meminit S.
pagina ipsius nihil, è quo rudis illa moles que reli-
quas res creatas anteceſſit. ut Rom.4. v.17. Hic Phi-
losophi Canonem illum: Ex nihilo nihil fit, obijce-
re solent: Qui verus tantum est de rebus creatis,
cujus finitæ sunt vires. Deo autem omnipotenti ni-

bile est impossibile. Nec valeat de primâ creatione, sed de ordine in natura jam instituto. 2. Mentionem facit S. pagina corporum quæ erudi illa mole, initio condita, Divina distinctione & exornatione exstiterunt. Quâ de re differit Moses Gen. i. v. 3. 4. & seq. ut infra patet. 3. Loquitur S. codex, tum de Elementis, tum de nonnullis corporibus compositis, unde reliqua producta sunt ut ex aquis pisces; Ex terra reliqua animantia, arbores, frutices, &c. ut patet ex Gen. cap. i. v. 20. 21. & seq. & cap. 2. v. 21. 22. Hujus triplicis varietatis materia, è quâ res primitus productæ sunt, disertè meminit S. pagina.

XXIV. Ubi hæc axiomata notanda veniunt. 1. Creationis non esse materiam Ex Qua, sed terminum à quo: *Quia cum res non essent, Deo dicente esse cuperunt ut ex Psal. 148. v. 5. constat.* 2. Solius nutu, jussu & voluntate Dei, absq; labore omnia creata.

XXV. III. Materiæ creationis proximè subjungimus Formam: *Quæ partim in productione omnium rerum, quæ archetypo in mente Divina, ut ita loquar, præexistenti exactè respondet, consistit: Partimq; in concinno isto ordine, non secus ac musicus concentus, qui ex varijs sonorum differentijs constat, consistit, qui ordo infra fusus explanabitur.* Formam hanc in eo confistere ut archetypo, uti dixi, respondeat,

bisce in vietissimis testimonij probatur. *Psal. 148. v. 5.*
Ipse dixit & facta sunt &c. *Act. 15. v. 8.* Nota sunt
Deo ab ævo omnia opera sua. Item *Esa. 40. v. 12.*

XXVI. Ad formam requiritur summa singula-
rum omnium rerum perfectio & utilitas: Signidem
potentissime ex nihilo omnia: sapientissime pulchra &
benignissime utilia cuncta creata sunt. *Gen. 1. v. 31.* Vi-
dit Deus cuncta quæ fecerat & erant valde bona.
Huc spectat etiam illud dictum Pauli *1. Tim. 4. v. 4.*
Omnis creatura Dei bona.

XXVIII. IV. Forma Creationis succedit cau-
Finalis. Finis Creationis duplex est, Principalis &
Subordinatus. Ille est gloria Dei. Etenim omnia
operatus est Jehovah propter semetipsum, *Prov.*
16. v. 4. Ut nimirum omnipotentia, sapientia & boni-
tas ejus cluecseret, i. Omnipotentia ejus ex eo elu-
cescit, quod tot tantasque res ex nihilo produixerit, *Psal.*
148. 2. Sapientiam ejus quis tanta mentis Caligine
est suffusus, ut eam è modo, ordine & varietate rerum
creatarum, non persentiseat, non videat? *Eph. 3. v. 20.*
3. Bonitas ejus vel hinc manifesta evadit; Quod
cum nullius sit indigens omnia tamen condere, & cum
rebus creatis bonitatem suam communicare vo-
luerit,

XXVIII. Hic Subordinatus scilicet Finis, est ho-
minum vita felix. Omnia enim que condita sunt, st-

ve visibilia, sive invisibilia, hominum bono condita sunt. Diserte enim Spiritus Dei horum meminit. Gen. i. Faciamus hominem ad imaginem & similitudinem nostram, qui dominetur in pisces maris & volucres cœli, in pecudes & universam terram, &c. 1. Cor. 3. v. 22, Omnia vestra sunt, sive mundus, sive vita, sive mors & seq. Angeli in ministerium hominum conditi sunt. Psal. 91. v. 11, Solem, Lunam & reliqua corpora cœlestia in usus hominum creata esse memoratur. Deut. 4. v. 19.

XXIX. Post constitutam & conformatam veram de creatione sententiam, considerandus restat ordo & modus creationis quem Moses juxta Hexaemeron instituit. De eo igitur non nulla ex Gen. i. & Psal. 104. breviter annotabimus. Totum hoc universum, sex diebus productum, distinctum & ornatum, in duas creaturarum classes, juxta Scripturam S. non incommodè dispesci potest: nimirum in creaturas invisibles & visibles. In Christo enim creata sunt universa in coelis & in terra, visibilia & invisibilia, &c. Coll. 1. v. 16.

XXX. Porro res creatæ non simul & in momento existerunt ut veteres nonnulli autumarunt, immixti dicto illi quod extat, Eccl. 18. v. 1. Qui vivit in æternum creavit omnia simul. Ubi notandum venit, Particulam Simul non momentum aliquod temporis

ris, quo singulæ creaturæ prodictæ sunt, significarez
Sed universaliter denotat illud omne quod vivit &
movetur, non ab aeterno exstisset, sed a certo temporis
principio initium sumisset, quia solus ille qui creavit,
vivit in aeternum. 2. Vox Simul res creatas non casu
exstisset, sed omnia creata esse simul universaliter, b.c.
ut nihil excipiatur. Relinquitur ergo hoc quod res crea-
tae sex dierum spatio sint productæ.

XXXI. Die primo rudem illam & indige-
stam molem produxit Gen.1.v.1.2. Lucemq; pro-
dire jussit v.3. & Lucem atq; tenebras distinxit,
lucem vocavit diem & tenebras noctem. Per ina-
ne & vacuum illud Gen.1. nihil aliud quam rudis illa
moles indigitatur. Per tria corpora scil. cælum, ter-
ram & abyssum, quæ Moses in principio creatæ esse
ait: Nihil alind quam eorum quæ in cœlis, in terra
& mari sunt significatur. Quod Deus jussit lucem
è tenebris splendescere; id est ut Paulus 2. Cor.6.v.4.
explicat, Deo dicente & jubente subito exstigit lux:
hinc liquet lucem quoq; immediate ex nihilo creatam
esse.

XXXII. Die secundo distinxit Deus aquas su-
periores & inferiores firmamento, jubens ut esset ex-
ponsum, quod distingveret inter aquas unas & alte-
ras. Ut cortina & tentoria extenduntur, ita Deus
ex aquis, materiâ illâ fluidâ, fecit rem extensissimam

maximo miraculo. *Est ergo cœlum factum non im-*
mediate ex nihilo: Sed ex materia illâ, quam Deus, in
principio creaverat. Opus hoc secundi diei Psal.104.
v.2. § 3. Plenius describit.

XXXIII. *Tertio die jussit Deus confluere a-*
quas in unum locum quò conspicua fieret arida,
& aridam vocavit terram, aquarum verò conce-
ptacula vocavit maria, ornataq; est terra, her-
bis & arboribus, Gen.1.v.9.10.11.12.13. Hoc die ter-
tio Deus etiam dixit (Germinet terra herbam, §c.)
Sunt ergo terræ nascentia, non immediate ex nihilo
creata, sed cum nullum esset virgultum, nulla herba,
Deo dicente, ex terra subito producta sunt. Huc per-
net cap.2. Gen. Ubi mentio sit 1. Antea nullam herbā
fuisse ortam in terra, id est nulla semina præcessisse.
2. Non fuisse pluviam fæcundantem terram.
3. Non fuisse hominem qui operâ suâ præpararet
terram. 4. Luminaria & astra tunc nondum
fuisse condita; Sed tamen Deo tantum dicente ter-
ram protulisse herbam virentem.

XXXIV. *Manifestum ergo hinc evadit, longè*
alia ratione, tertio die facta esse terræ nascentia, quam
cum de Physicâ ratione Psal.104.v.5. dicit Educis pa-
nem è terrâ § 1. Cor.15.v.38. Deus dat cuiq; gra-
no suum corpus. Et hæc est vera explicatio verbi
Facere in art. Creationis.

XXXV. Hinc opinantur quidam mundum in au-
tumno creatum fuisse, qui arbores tertia die descri-
buntur fructibus onustæ; Sed fuit hoc miraculum su-
per naturale ut simul germinarent & fructus ferrent.
Cum nullum certum tempus creationis mundi S. Scri-
ptura nobis significet in hoc manebimus; Silente Scri-
ptura S. etiam & nos silere opertet.

XXXVI. Quarto die exornavit coelum lumina-
ribus & astris Gen. I. v. 14. 15. & seq. Hic disputant:
*An Deus ex luce primi diei, quarto die luminaria fece-
rit? Au verò quia dicit (fiant luminaria) immediate ex
nibilo fecerit? illum discursum, in medio relinquimus.*

XXXVII. Quinto die producuntur pisces & volu-
ctes Gen. I. v. 20. 21. & seq. Non immediate ex nihilo Deus a-
quatilia & volatilia creat it; Sed dixit: Producant aquæ, re-
ptile animæ viventis, volatile &c. unde expressè constat ex a-
quis pisces & aves creatas esse. Hoc stupendum est miraculum
& naturæ quasi inimicum, cum inter aquatilia & volatilia im-
mensa sit Differentia: Pisces, in aëre extingvuntur & aves in
aquis suffocantur, licet ex una eademq; materia Deo dicente sint
productæ. Deo cui nihil est impossibile, hoc ipso omnipotentiam
suam declarare volente.

XXXVIII. Sexto die fecit Deus bestias, jumenta
reptilia, Gen. I. v. 24. 25. Et tandem eodem die ad imagi-
nem & similitudinem Dei hominem condidit, Gen. I. v.
26. 27. & seq. Atq; ita perfecti sunt, æcli, terra & omnis exerci-
tus eorum.

XXXIX. Colophonis loco hoc addo. Immediate ex nihilo
creata esse 1. Cælum. 2. Terram. 3. Abyssum. 4. Lucem.
5. An-

7. Animam hominis & 6. Angelos. Angelos conditos esse manifestè constat ex Coll. 1. v. 16. Cum Scriptura S. non exprimat præcijum tempus & diem Creationis angelorum, Libenter nesciamus (sicut Amb. ait) quod scire nec debemus, nec possumus: Sufficiat nobis scire: 1. Angelos non à seipso exstitisse, nec à substantia Dei genitos: Sed creatos esse. 2. Non ab eterno fuisse Angelos, & ante illud principium quo omnia esse caperunt, non exstitisse. 3. Ante hominem conditos fuisse colligitur ex Iob. 38. v. 7. Quod superest discursu ipsi relinquimus discutiendum. Deo Patri, per Filium in Spiritu S. sit laus & honor in perpetuas æternitates.



Ornatissimo, Humanissimo & Doctissimo,

DN. MAGNO A. S. P. O. GOTHO
S. S. Theol. & Philosophiae Studioso impigerimo,
de Creatione docte disputanti.

PRÆside Präclaro, quæ sine primordia rerum.
Disseris, ingenij dexteritate tui,
Atq; doces casu quod non confluxerit orbis;
Sed virtute Dei cuncta creata refers.
Pergito sic vatuum rimari scripta Sacrorum,
Ut tibi surgat honos, gloria, fama, decus.

Amoris & honoris ergo adposuit.

NICOLAUS NYCOP. Log.
& Poët. Prof.